

# Radunanza Generela 2010

Mardi, 30 marz 2010, Convict Zuoz



## 1. Salüd

Peider Gotsch salüda a tuot ils comembers ed evra la radunanza generela 2010 a las 19<sup>30</sup> H.

Sun giavüschos müdamaints tar las tractandas?

S-chüsos: Jürg Sprecher, Giachem Schucan

Preschaints: 17 comembers (e 2 giasts da S-chanf)

## 2. Tscherna da duos scrutinadurs

Scu scrutinadur vegn tschernieu Angelina Plebani.

## 3. Protocol da la radunanza generela 2009

Il protocol as pudaiva guardar ouravaunt sün nossa pagina d'internet.

Üngünas remarchas pervi dal protocol.

*Il protocol vain approvo unanimamaing.*

Peider ingrazcha a Simona Plebani

## 4. Rapport annuel dal president

Per cumanzer l'an nun eirans dal tuot sgür, scha pudains cumanzer cul trer offizielmaing u na: il stedi nun avaiva auncha decis, scha la sanaziun dal muot da cullas (Kugelfang) vegn prolungieu u na. Per furtüna haun els alura do liber quista prolungaziun a temp.

Il stedi ho introdüt eir üna nouva ledscha dad armas. Ad es gnieu ün töch pü cumplichio a der ün'arma ad ün oter scu pü bod.

Ma tuot que nun's tegna davent da nos trer schaibgia e nus essans stos eir quist an a fer nos exercizis e nos tirs.

Cun que cha avaivans ün inviern cun bgera naiv nu pudaiva San Murezzan auncha mner tres il tir individuel e la maistraunza da gruppa. Zuoz as ho natürelmaing mis a dispuziun ed avaiva mno tres quist tir per els.

Üna da nossas duos gruppas avaiva alura eir la pussibilted da piglier part al finel Grischunais a Cuira. Displaschaivelmaing nun es que alura lo pü ieu usché bain...

In gün avains piglio part al tir chantunel a Basilea. Insembel cun nos camerads da la societad da tir Bubendorf avaivans passanto ün per fich bels dis in cumpagnia.

Ün pêr impressiuns vegnan muossos.

Duos da nos tregants sun alura eir restos a trer il finel dal tir chantunel ed haun eir raggiunt bellas plazzas:

- Marco Crameri ho raggiunt la seguonda piazza illa categoria ordonanz
- Jürg Sprecher es rivo quart illa categoria giuvens ordonanz.

Pü tard avains piglio part a la Pardunaunza a S-chanf, vains mno tres noss'egna Pardunaunza ed avains pudieu festager insembel cun Puntraschigna lur inauguraziun da la nouva bindera.

La fin d'avuost eira il finel dal match circuitel a San Carlo. Ün per tregants da nossa societad haun pudieu piglier part. Gian Carlo Rüegg es rivo da fer la prüma piazza illa categoria ordonanz 2 pusiziuns. Eir Marco Crameri e Mario Feuerstein sun rivos in diversas categorias da fer plazzas da rang.

In settember haun Marco Crameri e Gian Carlo Rüegg piglio part a la maistraunza svizzra a Thun. Cul arma 57 haun els pudieu fer la seguonda, resp. la terza piazza!

Ed al finel dal matchcup es Carlo Rüegg rivo da fer la terza piazza.

Vers la fin da la stagiun vulavans quarder da pudair tegner il premi ambulat dal tir Utschè mez mür a surava, che chi nun es pero reuschieu dal tuot...

Üna granda festa pero avains auncha fat insembel cun quels da la societad da tregants Bubendorf. Els ans haun darcho fat üna visita a Zuoz. Mario ans avaiva cuschino ün fich bun risotto aunz cha vains mno tres ün pitschen tir. Dasper la concurenza avaiva minchün da trer ün tun cul schluppet da Martini sün üna schaubgia speziela cun sü las vappas dals cumüns. Quella penda uossa gio'nos implaunt da tir scu algordanza.

Eir da quist inscunter avains aunch' ün per fotografias.

Nus nu vulains schmancher a nos giuvens tregants e nos giuvenils! Il cuors avavans mno tres insembel cun S-chanf per avair avuonda glied.

Eir dad els sun ün per ieus al finel dal dstrict, inua cha Jürg Sprecher ho raggiunt la terza piazza.

Pero que nun es auncha tuot: ils megliders giuvens tregants haun mich' an la pussibilted da clapper ün plat da zinn. Jürg Sprecher ho guadagno usché ün. Aint il chantun Grischun es il sün la piazza 9, in tuot la svizra sün piazza 56!

Scha essans gia tar las onuraziuns, avains eir per Bruno Brasi auncha qualchosa: la seguonda "Feldmeisterschaftsmedaglie".

L'an pero nun es ieu a finir usché allegraivel: il cumün da La Punt Chamues-ch ans ho, insembel cul uffizchel da tir svizzer, serro l'implaunt a La Punt.

Nus avains pruvo da perschvader da lascher aviert el aunch' ün temp, displaschavelmaing sainza success.

Per glivrer il rapport da president vulesse eau ingrazcher a mieus camerads da la suprastanza, al tuot ils agüdaints al implaunt e culs giuvens tregants e als mneders dals restorants. Eir ün grazcha fich a tuot quels chi sustegnan nossa societad in ün u l'oter möd.

Eau sparesch cha nus avains eir in quinder inavaunt üna usché flotta cumpagnia e fains insembel buns resultats.

Vos president, Peider Gotsch

Simona Plebani lascha approver il protocol dal president.

## 5. Rapport dal chaschier e dals revisuors da quint

*Guarder fögl separo da Mario Feuerstein dal quint da gestiun 2009 e da bilauntscha pels 31.12.2009*

*Der il pled als revisurs Jolanda Jäger e Gian Reto Sonder*

*Mario vain ingrazcho per sia lavur.*

## 6. Cuntribuziun annuela 2011 / predschs munizium 2011

Avaunt duos ans avaivans uzzo il predsch per la lizenzcha per Fr. 10.- sün Fr. 25.- cun que cha stuvaivans der gio dapü raps a las instituziuns da tir. Eir pel prossem an vulessans lascher quists predschs.

contribuziun annuela	Fr. 25.--
(per giuvens tregants, giuvenils e veterans)	Fr. --.
lizenzcha	Fr. 25.--
munizium	Fr. -.50
(giuvens tregants)	Fr. -.40

*La cuntribuziun e'ls predschs da munizium 2011 vain aczepto.*

## 7. Program annuel 2009

La Societed da tregants S-chanf tir infin chal implaunt da tir nouv a S-chanf es afin eir a Zuoz.

Els trainan adüna in marculdi saira a partir da las 18<sup>30</sup> H.

Eir a nus sto liber dad ir a trer quella saira.

L'implaunt da La Punt Chamues-ch es gnieu serro per lafin da l'an passo tres l'uffizchel federel, colonel Christian Clement.

Els pretendaivan cha nun es ingüna societed davous quist implaunt e cha la laina davous las schaubgias es memma ruotta.

La suprastanza avaiva pruvo da garder cul cumün da La Punt per fer quista lavur e per pudair darcho avrir l'implaunt. Eir zieva discuorrs persunels e diversas chartas restan els vi da quista decisiun da na pü avrir.

Que voul dir cha eir ils trainings da La Punt gnissan fats a Zuoz.

La suprastanza avaiva tratto quist problem, eir resguard dad usche bgeras sairas da tir ed es gnieu sün l'idea da pudair trer in gün e lügl eir in giövgia. Ils oters mais nu saro que propcha neccesari.

Zieva üna cuorta decisiun es gnieu vuscho gio per trer a duos sairas, nempe in mardi e marcurdi. 17 vuschs per duos sairas, 2 abstentiniun.

### **Tir Champester**

Il tir Champester ho lö quist an darcho a Zuoz.

Our da quist motiv druvains darcho glied chi güda a fer il büro e maister tregants. Impü stuvains fabricher sü la tenda.

Üna glista per's purter aint laschairs circuler.

### **Tir Obligatoric**

S-chanf ho gia previs da mner tres 3 tirs obligatorics. Scha eir nus fains auncha 3, schi saron que memma dis.

Inpustüt sun rivos ils ultims ans ils dis uffiziels bè pochs tregants a trer.

La proposta es da fer nos tirs bé als 28 avuost ed ils oters eir al istess datum scu S-chanf e lascher trer quels suot lur societed.

### **Match Puntraschina - Engiadina**

In mardi ils 17 avuost ho lö nos tir e la tschaina cumünaivla cun Puntraschina, quist an darcho a Zuoz.

Glistas per s'annunzcher vegnan pendieus sü a temp.

## **Pardunaunza**

La Pardunaunza ho lö als 17 lügl.

La suprastanza es da l'avis cha basta cun fer bè üna Pardunaunza, cun que cha tuottas duos gnissan uschigliö trats a Zuoz.

Pervi da premis e spartiziun da guadagns stuvains auncha guarder pü precis insembel cun S-chanf.

## **Vancouver**

Il tir Vancouver ed il Subaru-Cup vegnan trat bè da pochs tregants.

Cun que cha'l Vancouver ans do ter cuosts, nu trains el pü.

Chi cha ho interess da trer quists tirs istess, po fer que ün di offiziel tar la societad da tregants S-chanf.

## **Secziun**

Nus essans aunch' adüna aint illa categoria 2 e druvains per ans parteciper vi da la concurenza da secziun allmain 10 tregants.

A füss flott, scha nus rivessans da piglier part eir quist an darcho.

## **Match Circuitel (Bezirksmatch)**

Eir quist an es la maistraunza dal circol darcho cun 30 tuns.

Que do la pussibiltad da trer tuot in vainter (Liegendmatch) o in vainter ed in schnuoglias (2-Stellungs-Match).

Ils tregants chi haun trat el l'an passo chattan el in la mappa cotschna da tir, sch'ün oter es interesse, as dessal annunzcher tar me.

## **Cuors da giuvens tregants**

Il cuors ho lö quist an unicamaing a Zuoz e vegn mno tres dad Ernst Parli, cun agüd da Carlo Rüegg ed oters agüdaints.

3 giuvens e 3 giuvenils da Puntraschina gnaron eir insembel cun nus a fer il cuors.

Las otras societeds da l'Engiadin'Ota nu mainan uossa gia pü tres ingüns cuors!

Eir quist an lavurains cul system da der gio ils fögls da tir ouravaunt.

Per plaschair guarder da tegner aint ils termins e bütter aint ils fögls implieus our complett (allmain nom e suotascriptiun) a temp.

Tirs cha nu vais auvaunt da trer, as po bütter aint il fögl vöd eir gia uossa. Quels fögls sun marcos e nus savains da chi cha rivan.

## 9. Varia

### ESF Aarau

Data annunzcheda:

Venderdi, 25 gÜN 2010 duos schabgias 13<sup>30</sup> / 16<sup>30</sup> fin 19<sup>00</sup>

Sanda, 26 gÜN 2010 duos schabgias 07<sup>30</sup> / 14<sup>00</sup> fin 19<sup>00</sup>

Varamaing avavians annunzcho per Suhr, avains pür vis uossa cha'ns haun do ils rangeurs a Lenzburg...

Participaunts cun maistraunza:

Remo Casty

Marco Crameri

Mario Feuerstein

Bruno Brasi

Peider Gotsch

Gian Carlo Rüegg

Participaunts sainza maistraunza:

Patrick Eruimy

Jürg Sprecher

Gian Peider Lony

Peter Plebani

Martina Stübi

Per la secziun druvsans 12 tregants. Avess qualchün auncha interess da gnir cun nus?

### Mneder dal restorant a Zuoz

Fadri Raschèr as ho mis a dispusiziun da mner eir quist an il restorant da nossa chamanna da tir a Zuoz, in mardi scu eir in marculti.

La giövgia laschessans cun scriver sü.

Grazcha fich a Fadri per sieu colavuraziun.